

DEO OPT. MAX. VNI ET TRINO, VIRGINI DEIPARÆ  
ET SANCTO LVCE ORTHODOXORVM MEDICORVM PATRONO

# QVÆSTIO MEDICA

QVOD LIBETARIIS DISPVATIONIBVS MANE DISCVTIENDA  
IN SCHOLIS MEDICORVM DIE IOVIS V. FEBRVARII.

M. SIMONE LE LETIER Doctore Medico moderatore,

*Sunt-ne biliosi præstantissimi?*

908

**H**OMO caducorum Princeps vt vniuerso animantium generi imperat & præcellit, expertia rationis bruta, variis licet artibus, dotibus, diuersisque moribus imitatione humani ingenij opera exhibentibus instructa videantur; cum sensu, phantasiâ, & memoriâ regantur, victui dumtaxat comparando, & prolis incumbunt commodis: Ille autem animal mirè commixtum ex corpore, quod cum illis habet commune, & versâ in celum figurâ, temperie exquisitâ, manuum fabricâ, spirituum vbertate elaboratiore distinctum, & ex animo quo diuinæ mentis refert imaginem, sapientiâ, arte, scientiâ, prudentiâ viuunt, nisi suâ conditionis, & originis immemor, *ἀσπαρμένης* illa sequatur fœdè, in quæ belluæ cæco feruntur impetu: Non aliter qui inter homines ingenio, iudicio pollent sagaces & providi id solum sequuti, quod probat ratio, si insuper vegeto sint & firmo corpore ad præclaras animæ functiones expedito, non immeritò omni exceptione maiores omnibus præferendi: Aliter affecti, & alterutrius partis destituti commodis, infra humanæ sortis præstantiam constituti, diuinam illam auram quasi *τὸ ἐν φαντῇ μύρον* videntur obtinuisse.

**A**NIMÆ rationalis essentiam altâ caligine immerfam non capit vis humani intellectus, ad illam hebescit, & quasi in sole caligat: sapit qui de illâ curiosius non disputat, nec anxie tempus rimatur quo à numine creata fœtum animæ in omnibus eandem obtinet dignitatem, parem in agrestibus & erudito, sene & puero, viro & muliere, sed multiplicem facultatum, actionum, & operum varietate profitemur; quæ cō præstantiores edit actiones & nobiliores, quod perfectius nacta est organum, & ad suas effectiones expro-mendas accommodatius: quod non aliud est, quam temperamentum ex confusis varièque permixtis humoribus proximis humani corporis principijs resiliens, primum, & ægrè, mutabile Naturæ instrumentum, cuius tantò præstantiora sunt opera, quanto calor minimè cœlestis substantia in eâ permixtione vberior, & vis effulserit efficacior, & maximè dum à siccitate ipsius lima acuitur.

**N**VSQVAM æquis partibus, rarè viribus humores permiscetur, si vnus, alterve in primâ generatione alios superat temperamentum constituit & denominat: non imperitè enim humorum nomina temperiei accommodant Medici; Bilis calida sicca, igni, æstati analoga, simul cum aliis succis ab hepatis moderato calore, & chylo tenuiore producta, omnes penè corporis actiones promouet, corruptionem arceat à sanguine, cuius salis instar condimentum est in venis, & arteriis, alimento præbet com-meatum, excrementis exitum, & *ἀντὶ τοῦ ποταμοῦ* sæpè tutiores motus suis aculeis, quam ars suis molitur præsidij: neque si ipsa æstum faciliè concipiat ideo putret; innoxia illius flamma, nisi aliorum succorum mole quasi obice intercepta, aut labe & contagio infecta per patentem vias, & laxiora cutis spiracula exitum sibi parare non valeat.

**R**T A principijs respondent, & è diuerso; quantum calor ad vitæ munia frigori, siccitas humoris ad *δυσμετέωρος*, durities mollitiei ad robur, raritas ad salubritatem densitati antecellit; tantum iis dotibus qui bilis dominio tenetur instructus, aliis præstantior eminet: huic animus amplius, excelsus, præfens, acer, ad res suscipiendas & perficiendas paratus, rerum honestarū desiderio magis quam iucundarū trahitur lenocinio, dicendi gratiâ & comitate non adscitâ, sed ingenitâ pollet, viribus moderatis; mole humorū & nimia pinguedine vacuus, vt & excrementis viuunt aliis salubrius: quia verò nemini omnia concessa fortunæ siue Naturæ inuidentiâ, quæ nihil mortalibus elargitur, quod non aliquo temperet incommodo, quæ solertia & *ἐφ' ὅν* profert ingenia qualitas, eadem si nimis intenditur, eis *παρὰ μέτρον* & *ἐν ἡλικίᾳ* detorquet.

**F**ORTVNATA igitur eorum conditio, quos bilis exercet imperium, deterior cæterorum: Pituitosis ad omnia vitæ munia ineptis anima pro sale concessa; Melancholici pauent & torpent; sanguinei genio dediti, sensuum illecebris delusi, diuinam auram in voluptatum fœcē immergunt: quid ita? biliosus præstō sunt, quæ aliis negantur: substantia partium moderatè compacta, peruiâ, iniuriarum *ἀπὸ τῆς ἐξωθεν ἐκ τῶν ἐνόντων* ingruentium secuta, vnde *ἐνδεχόμενοι καὶ ἀνδράποδοι* sordibus non circumfluit: Spiritus è bile splendidâ sanguine, vel melancholico succo temperatâ excussi suâ luce ita feliciter de nativâ temperie constitutas partes peruadunt, vt hepatis, eique inservientes partes adornando sanguini commodè studeant; cor eorundem ministerio vehementius pulset, nocitura pellat fortius à quo ad mentis arcem delati, operiosiusque elaborati sua tenuitate celeritate amplius cerebri sinus expeditè penetrant, haustas à sensibus rerum species quasi specula lucida menti offerunt spectandas: quorum denique opera, partes ad motus spontaneos, imperatos, exercitationesque laboriosas natæ promptius iussa mentis capessunt, exequentur: vnde biliosi mente & opere, consilio & facto omnibus præstant *τὸ μὲν γὰρ ὁρᾷ ἐν συνετοίᾳ καὶ τῇ ψυχῇ διὰ τὴν χαλκίδιν χρυσοὶ ἐστὶ*.

*Ergo biliosi præstantissimi.*

Proponebat Lutetiæ IOANNES FORESTIER Parisinus. A. R. S. H. M. DC. XLIII.

DOMINI DOCTORES DISPVATVRI.

M. Claudius Seguy Regin. Christ. prim. Med.  
M. Simon le Letier Præles.  
M. Sebastianus Rainfant.

M. Petrus Guenaut.  
M. Nicolaus Brayer.  
M. Cypranus Hubaut.

M. Lazarus Pena.  
M. Iacobus Confinot Prof. & M. Reg. Principisq; Delph. prim. Med.  
M. Petrus Beaumains.

